

ЛОГОПЕДТИН КЕҢЕСІ

Бала саусағын ойната отырып, тілін дамытайық.



Саусақ ойыны арқылы баланың сөйлеуге деген талпынысы, қабілеті дамып, ынтасы артады ал тіл кемістігі кездесетін балалардың жалпы қимылдары, соның ішінде саусақ бұшық етінің қимылдары жеткілікті деңгейде дамымайды.

Сөйлеу тілі мүшелері әрекетінің қозғауларының дамуы қол саусақтарының нәзік қимылдарының дамуымен тығыз байланыста болғандықтан, бала қолының ептілігін толық жетілдіру, түзету- тәрбие жұмысын жүйелі жүргізуді қалайды.

Саусақ ойынын үй жағдайында әсерлі, көңілді түрде ұйымдастыруға болды.

Алдымен балаларға саусақ ойыны түсіндіріледі, әр қимылы көрсетіледі. Балалар осындай саусақ ойынын ойнай отырып, өлең шұмағын қызыға айтады.

«Саусақ ойындарын» ұсынып отырмыз



«Салат»

Сәбізді алып тазалаймыз
Үккішпен үгіп майдалаймыз
Канттан сеуіп дәмдейміз

құйып сәндейміз
Міне, дайын нәр тағам-
Дәруменге байыған



Түсіндірмесі

1. Оң қолды жұдырыққа түйіп, сол қолдың алақанына ысқылайды.
2. Екі қолды жұдырыққа түйіп кеудеге ұстап, жоғары- төмен қозғайды
3. Саусақтардың ұшымен «қант себеді»
4. Қолды жұдырыққа түйген күйі (қаймақ құйған сияқты) қол білезігін жоғары-төмен қозғайды.
5. Екі қолын алдына жайып көрсетеді.
6. Алақанымен іштерін сипалап, тойғандықтарын білдіреді.



«Доп»

Он,тоғыз,
Сегіз,жеті,
Алты,бес,
Төрт,үш,
Екі,бір,
Доп ойнайық,
Кел,жүгір!
Тек білейік
Анық нақ:
Допты қашқан
Кім қумақ?

1. Алақандарымен шапалақтайды.
2. Отырған күйі аяқтарын алақандарымен қағады
3. Алақандарымен шапалақтайды.
4. Отырған күйі аяқтарын алақандарымен қағады.
5. Алақандарымен шапалақтайды.
6. Қолдың біресе ішімен, біресе сыртымен көздерін жабады.
7. Әр сөз ырғағымен шапалақтайды.
8. Әр сөз ырғағымен аяқтарын топылдатады.
9. Отыра қалады.



«Сәлем»

Сәлемдесем әрдайым
Үйде және көшеде
Тіпті <<сәлем>> - деймін мен
Тауыққа көрші үйдегі
Сәлемет пе,
Шуақты күн көкте!
Сәлемет пе,
Нұрлы аспан көкпеңбек!
Сәлемет пе,
Самал жел желпіген!
Сәлемет пе,
Кішкентай түбіртек!
Сәлем, таң жаңа атқан!
Сәлем, күн арайлы!
Сәлемге ерину!
Бізде әсте болмайды.

1. Екі қолдарын айқастыра кеуделеріне қояды.
2. Екі қолдарын алға жаяды.
3. «Қанаттарын» (екі қолдарын сәл көтеріп, қайта түсіріп) қағып тұрады.
4. Бір қолдың сыртын екінші қолдың алақанына беттестіре, саусақтарды жан-жаққа аша «күн» жасайды.
5. Екі қолды жоғары соза аспанды көрсетеді.
6. Екі қолды жоғары көтере екі жанына кезек теңселеді.
7. Екі қолды төмен түсіре, қол бастарын бір-бірінің үстіне қойып алдына ұстайды.
8. Оң жаққа оң қолын жаяды.
9. Сол жаққа сол қолын жаяды.
10. Оң қолдың сұқ саусағын алдына тік ұстай оңға, солға кезектестіре шайқайды.
11. Бастарын шайқайды.